

JOHOR BAHRU, 31 Mac 2020 – Menjelang gelombang kedua virus COVID-19 yang melanda Malaysia, pihak Kementerian Pertahanan telah menguatkuasakan Perintah Kawalan Pergerakan (PKP) yang bermula dari 18 Mac 2020 sehingga 14 April 2020. Antara arahan yang dikeluarkan adalah semua rakyat Malaysia diminta untuk kekal berada di tempat masing-masing. Terdapat lebih 2500 pelajar yang masih berada di UTM dan memilih untuk menetap di kolej kediaman masing-masing sepanjang PKP berlangsung. Satu inisiatif yang diperkenalkan oleh pihak kerajaan adalah memberi bantuan makanan kepada semua pelajar yang berada di IPTA sepanjang tempoh PKP.

Sejak hari pertama PKP dijalankan, semua pelajar di semua kolej kediaman UTM telah diberikan bantuan makanan sebanyak dua kali sehari. Dana dan sumbangan yang diterima dari pihak kerajaan, Canselor UTM, universiti dan pihak-pihak lain amat membantu dalam menjamin kelangsungan bekalan makanan untuk pelajar-pelajar yang menetap di UTM sepanjang PKP. Semua urusan bekalan makanan, katerer, dan urusan pengagihan makanan diuruskan oleh semua ahli Institusi Pembangunan Fellow. Adalah menjadi tanggungjawab semua majlis fellow untuk memastikan semua pelajar adalah berada dalam keadaan baik dan kebajikan yang sentiasa terjaga.

Antara gambar semasa pengagihan makanan di beberapa kolej kediaman dalam UTM adalah seperti berikut.





Sesi pengagihan makanan semasa PKP sehingga 30 Mac 2020

Sepanjang tempoh PKP ini berlangsung, semua ahli IPF akan bertanggungjawab menjaga kebajikan semua pelajar di kolej kediaman masing-masing. Semua warga UTM dinasihatkan agar bersama-sama bersabar atas ujian ini dan sentiasa berdoa untuk kesejahteraan semua dan negara tercinta.

Disediakan oleh,

***Biro Komunikasi dan Dokumentasi,
Institusi Pembangunan Fellow.***